



Na osnovu Zaključka Vlade Zeničko-dobojskog kantona o usvajanju Programa utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19), broj: 02-11-6347/20 od 08.05.2020. godine i broj: 02-11-17214/20 od 23.10.2020. godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12, 39/20) i članovima 12. i 13. Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18), Ministarstvo za privredu, raspisuje

JAVNI POZIV
za prikupljanje zahtjeva za odobravanje i dodjelu (refundaciju)
finansijskih sredstava namjenjenih subvencioniranju
administrativnih troškova kod izgradnje proizvodnih objekata

1. Pozivaju se investitori registrovani u Zeničko-dobojskom kantonu, koji proizvodni objekat izgrade ili izvrše promjenu namjene objekta (neproizvodni u proizvodni) na području Zeničko-dobojskog kantona u periodu od 01.01.2020. godine do podnošenja zahtjeva po Javnom pozivu, da podnesu Zahtjev za odobravanje i dodjelu (refundiranje) nepovratnih finansijskih sredstava obezbjedenih za subvencioniranje dijela administrativnih troškova kod izgradnje proizvodnog objekta.
Pod proizvodnim objektom podrazumjeva se natkrivena građevina sa zidovima, sagrađena sa namjenom i u svrhu realizacije proizvodnog programa u području D-Prerađivačka industrija (stare Standardne klasifikacije djelatnosti) ili C- Prerađivačka industrija (nove Standardne klasifikacije djelatnosti), za koju je investitor obezbijedio upotrebnu dozvolu prema Zakonu o prostornom uređenju i građenju Zeničko-dobojskog kantona („Službene novine Zeničko-dobojskog kantona“, broj: 1/14).
2. Pravo korištenja poticajnih sredstava imaju privredna društva registrovana za obavljanje proizvodnih djelatnosti u Zeničko-dobojskom kantonu, koja proizvodni objekat izgrade na području Zeničko-dobojskog i na koje je upisano pravo vlasništva nad objektom poticaja i koji ispunjavaju uslove definisane članom 2. Zakona o poticanju razvoja male privrede („Službene novine Zeničko-dobojskog kantona, broj: 7/16 i 7/20).
3. Pravo na korištenje poticaja nema investitor koji izgrađeni objekat iznajmi drugom subjektu.
4. Nakon uredno podnesenog Zahtjeva, Vlada Kantona će odobriti subvenciju administrativnih troškova kod izgradnje proizvodnih objekata u jednokratnom iznosu kako slijedi:

Površina objekta /u m²/	Iznos sredstava poticaja /u KM/
do 200	10.000,00
od 200 do 500	15.000,00
od 500 do 1.000	20.000,00
od 1.000 do 2.000	25.000,00
2.000 i više	30.000,00

Napomena: Raspon “Od 200 do 500 m²” obuhvata površinu od 200,00 m² do 499,99 m² i navedeno se primjenjuje i na ostale raspone površine navedene u tabeli.

5. Jedan privredni subjekt može koristiti više vrsta poticaja Ministarstva za privredu Zeničko-dobojskog kantona po osnovu Javnih poziva objavljenih dana 26.10.2020. godine na web stranici Kantona, ali pod uslovom da ukupno odobreni iznos ne prelazi 30.000,00 KM.
Pravo na subvenciju po Javnom pozivu ne može ostvariti privredni subjekt koji je po istom osnovu i za istu namjenu ostvario subvenciju, donaciju ili drugu finansijsku pomoć iz drugih izvora.
6. Zahtjev iz tačke 4. Javnog poziva mora sadržavati slijedeće podatke: naziv i sjedište podnosioca zahtjeva, ime i prezime odgovornog lica, mjesto i datum podnošenja zahtjeva, naznaku Javnog poziva za koji se aplicira, podatke o proizvodnom objektu i njegovoj površini, naznaku da za isti osnov i namjenu nije ostvario subvenciju, donaciju ili drugu finansijsku pomoć iz drugih izvora, pobrojano i brojevima označenu dokumentaciju koja se dostavlja u prilogu zahtjeva i potpis i pečat podnosioca zahtjeva.
7. Zahtjevi korisnika sredstava poticaja Ministarstva za privredu koji nisu opravdali ranije dodjeljena sredstva ili nisu uredno opravdali dodjeljena sredstva, neće se uzeti u razmatranje.
8. Uz Zahtjev iz tačke 6. Javnog poziva za odobravanje poticajnih sredstava, Investitor je dužan dostaviti sljedeće priloge (original ili ovjerenu kopiju):
 - Sudsko rješenje o registraciji (prva registracija i aktuelni izvod);
 - Uvjerenje o poreznoj registraciji;
 - Bilans stanja i uspjeha za 2019. godinu ovjeren od nadležnog organa;
 - Uvjerenje od Porezne uprave FBiH o izmirenju direktnih poreza i doprinosa (PIO/MIO i zdravstveno osiguranje) sa brojem ili popisom osiguranih osoba-matična evidencija - ne starije od 60 dana u odnosu na dan podnošenja zahtjeva;
 - Uvjerenje o uredno izmirenim obavezama po osnovu PDV-a (ukoliko je podnosilac po Zakonu o porezu na dodatu vrijednost u sistemu, ukoliko nije dostaviti Izjavu da privredni subjekt nije u sistemu PDV-a, ovjerenu od strane nadležnog upravnog organa) - ne starije od 60 dana u odnosu na dan podnošenja zahtjeva;
 - Dozvole za obavljanje registrovane djelatnosti ili odgovarajući akt nadležnog inspeksijskog organa,
 - Obavještenje o razvrstavanju pravnog lica ili obrta prema djelatnosti izdatog od Federalnog zavoda za statistiku;
 - Odobrenje za građenje (Rješenje o legalizaciji),
 - Odobrenje za upotrebu objekta, izdato od nadležnog organa (odobrenjem za upotrebu objekta i drugim dokazima ne smatra se akt privremenog ili uvjetnog karaktera),
 - Kopiju tlocrta objekta iz Glavnog projekta,
 - Uvjerenje Komercijalne banke da je žiro račun potencijalnog korisnika aktivan, ne starije od 60 dana od dana podnošenja zahtjeva.
 - Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj: 10/12, 39/20) i Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18) (Obrazac Izjave može se preuzeti sa web stranice Vlade ZDK – www.zdk.ba).
9. Komisija Ministarstva za privredu poštujući hronologiju prijema u protokolu Kantona pregledat će pristigle Zahtjeve.
10. Na osnovu prijedloga Komisije, Ministarstvo za privredu će predložiti Vladi Kantona donošenje Odluke za odobravanje i dodjelu finansijskih sredstava namjenjenih subvencioniranju administrativnih troškova kod izgradnje proizvodnih objekata, poštujući hronologiju prijema Zahtjeva, a sve do utroška raspoloživih sredstava.
11. Odluka Vlade bit će objavljena na web stranici Kantona.

12. Na osnovu donesene Odluke za odobravanje i dodjelu finansijskih sredstava namjenjenih subvencioniranju administrativnih troškova kod izgradnje proizvodnih objekata, Ministarstvo za privredu podnosi naloge za isplatu sredstava Ministarstvu finansija ZDK.
13. Zahtjev iz tačke 6. Javnog poziva sa priložima u zatvorenoj koverti, privredni subjekti dostavljaju na adresu:

**ZENIČKO-DOBOJSKI KANTON
MINISTARSTVO ZA PRIVREDU**

Kučukovići br. 2

72 000 Zenica

Sa naznakom:

“Prijava na Javni poziv za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju administrativnih troškova kod izgradnje proizvodnih objekata”

14. Javni poziv ostaje otvoren 20 dana od dana objavljivanja na web stranici Kantona.